

[Augsburg], 24. Juli 1571

An Theodor Zwinger

UB Basel, Fr. Gr. I 11, fol. 335r.

S. Literas tuas, Clariss[ime] vir, domine et amice colende, Nonis Iunij datas, 8 Cal[endas] Augusti, ex acidis aquis reuersus, accepi. Ac quod ad lucubrationes nostras attinet: Δεῖ τῶν χαλκογράφων οἵα διδοῦσι, φέρειν: ut aliquando nimis verè ad me scripsisti. παραμυθώμεθα τοίνυν ἡμᾶς τῇ κοινότητι τοῦ πάθους. Qua ratione vas tuum ad Weitmoseros commodissimè perferri possit, absente nunc Roseblatio, incertoquē eius reditu: ad te perscribet D. Ostermannus noster: qui cum sacerdotum mercatorem habeat: εὗπορα illi sunt, quae mihi sunt ἀπορα, homini et solitario et valetudinario. Sed omnino ab utroque opera dabitur, ut voluntati tuae satisfiat. Demosthenem meum ad proximas nondinas expecto: in quo utinam (utut catera sint) in praefatione ad Senatum Augustanum, et versibus illi subiectis nihil peccetur. Nam variae quidem lectiones vereor ne plenae futurae sint erratorum: quod à me, iam missis meis annotationibus, post pellectum Lutecianum codicem, in unum quasi corpus redigi non potuerunt. Quantum autem aliorum industriae fidendum sit: non aliena, sed mea exempla me commonent. ἀλλὰ καὶ ταῦτα δεῖ φέρειν. Vale. 24 Iulij 1571.

Hiero[nymus] Wolfius  
Tuus.